



Coimisiún
na Meán

Nóta Eolais maidir leis an gcinneadh stádas mar Chomharthóir Iontaofa a bhronnadh ar Jewish Representative Council of Ireland de bhun Airteagal 22 den Ghníomh um Sheirbhísí Digiteacha

Dáta foilsithe:
Meitheamh 2026



Clár Ábhar

Réamhrá	3
Príomheolas faoin Iarratasóir	3
Measúnú ar an Iarratas	3
Saineolas agus Inniúlacht	4
Neamhspleáchas	4
Díograiseach, Cruinn, Neamhchlaonta	5



Coimisiún
na Meán

Réamhrá

An 11 Meitheamh 2026, bhronn Coimisiún na Meán stádas mar Chomharthóir lontaofa ar Jewish Representative Council of Ireland, de bhun Airteagal 22 den Ghníomh um Sheirbhísí Digiteacha (DSA). Soláthraíonn an páipéar seo eolas ardleibhéil faoi phríomhghnéithe an iarratais agus an fhianaise a mheas an Coimisiún le linn an phróisis measúnaithe chun teacht ar a chinneadh.

Faoin DSA, is ainmniúchán dlíthiúil é an stádas mar “Chomharthóir lontaofa” is féidir a bhronnadh ar eintitis shonracha, amhail carthanachtaí, comhlachais tionscail, nó comhlachtaí poiblí, a n-aithnítear iad as a saineolas maidir le hábhar mídhleathach ar líne a bhrath. Ní thugtar aon chumhacht dhlíthiúil speisialta d'eintitis a mbronntar an stádas seo orthu chun baint an ábhair a ordú nó a chur i bhfeidhm, agus ní thagann athrú ar na caighdeáin dhlíthiúla a bhaineann leis an méid a mheastar a bheith mídhleathach. Ceanglaítear le hAirteagal 22 de DSA ar ardáin ar líne tabhairt faoi na bearta teicniúla agus eagraíochtúla riachtanacha lena chinntiú go dtugtar tús áite do na fógraí maidir le hábhar mídhleathach a chuireann Comharthóirí lontaofa isteach, ag gníomhú dóibh laistigh dá réimse ainmnithe saineolais, agus go ndéantar iad a phróiseáil gan moill mhíchuí. Mar sin féin, ní thagann athrú ar phríomh-mheasúnú dlíthiúil an ábhair ar cuireadh bratach leis.

De bhun Airteagal 22, tá sé de chumhacht ag Coimisiún na Meán, mar Chomhordaitheoir na Seirbhísí Digiteacha in Éirinn, stádas mar Chomharthóir lontaofa a bhronnadh ar eintitis a shásaíonn na coinníollacha a leanas:

- tá saineolas agus inniúlacht shonrach aige chun críocha inneachar neamhdhleathach a aimsiú, a shainaithint agus a chur in iúl;
- tá sé neamhspleách ar aon soláthraí ardán ar líne;
- tugann sé faoina ghníomhaíochtaí chun críocha fógraí a chur isteach go díograiseach, go beacht agus go hoibiachtúil.

Is féidir teacht ar níos mó faisnéise maidir le ról an Chomharthóra lontaofa agus oibleagáidí ardán ar líne i ndáil le fógraí a eisíonn Comharthóirí lontaofa in [Airteagal 22 de DSA](#) agus sa [Doiciméad Ceisteanna Coitianta](#) a foilsíodh ar shuíomh gréasáin an Choimisiúin.

Príomheolas faoin iarratasóir

Chuir Jewish Representative Council of Ireland (“JRCI” nó “an tIarratasóir”) iarratas isteach le haghaidh stádas mar Chomharthóir lontaofa faoi Airteagal 22 de DSA i mí Eanáir 2025. Is eagraíocht neamhrialtasach é JRCI, a dhéanann ionadaíocht do phobal na nGiúdach in Éirinn agus is é an frith-Sheimíteachas a réimse sainithe saineolais. Chuir JRCI iarratas ar stádas mar Chomharthóir lontaofa isteach chun cur níos mó lena chumas a phobal a chosaint ar ábhar mídhleathach ar líne.

Measúnú ar an iarratas

Rinneadh measúnú ar an iarratas a chuir JRCI isteach chun a chinneadh ar chomhlíon sé na coinníollacha le go mbronnfaí stádas mar Chomharthóir lontaofa air. Rinneadh an measúnú de réir na dtreoirlínte atá leagtha amach sa [Treirdhoiciméad do Chomharthóirí lontaofa](#) de chuid an Choimisiúin (‘An Treoir’). Forbraíodh creat láidir measúnaithe mar bhonn taca faoin measúnú chun tacú leis an athbhreithniú ar iarratais ar stádas mar Chomharthóir lontaofa. Cuireann an Treoir comhlachtaí leasmhara ar an eolas faoi phróiseas measúnaithe agus cinnteoireachta an Choimisiúin chun a chinneadh an gcomhlíonann iarratasóir na coinníollacha chun stádas mar Chomharthóir lontaofa a bhaint amach. I dteannta a chéile, tacaíonn an Treoir agus an creat measúnaithe le cinnteoireacht fhianaisebhunaithe, thrédhearcach, chomhsheasmhach agus chomhréireach ag an gCoimisiún i bhfeidhmiú a fheidhmeanna reachtúla maidir le hAirteagal 22.



**Coimisiún
na Meán**

Nóta Eolais maidir leis an gcinneadh stádas mar Chomharthóir lontaofa a bhronnadh ar Chomhairle Ionadaíoch na nGiúdach in Éirinn de bhun Airteagal 22 den Ghníomh um Sheirbhísí Digiteacha

Sna rannáin seo a leanas, tugtar breac-chuntas ardleibhéil ar phríomhghnéithe an iarratais agus ar an bhfianaise a ndearna an Coimisiún anailís uirthi le linn an phróisis measúnaithe chun teacht ar a chinneadh stádas mar Chomharthóir Lontaofa a bhronnadh ar JRCI.

Saineolas agus inniúlacht

Ceanglaítear leis an gcoinníoll seo go bhfuil anaineolas agus an cumas iomchuí ag an larratasóir chun críche ábhar mídhleathach a bhrath, a shainaithint agus a fhógairt.

Is éard atá i réimse saineolais beartaithe an larratasóra ná ábhar frith-Sheimíteach mídhleathach, agus léiríonn an fhianaise a cuireadh isteach eolas fairsing ar shaincheist an fhrith-Sheimíteachais in Éirinn agus eolas cuí ar na creataí dlíthiúla is infheidhme.

An fhoireann a bhfuil freagracht uirthi as measúnú agus tuairisciú a dhéanamh ar ábhar frith-Sheimíteach maíte, tá acmhainní leordhóthanacha aici agus tá na hinniúlachtaí teicneolaíochta agus gairmiúla riachtanacha aici chun tabhairt faoi ghníomhaíochtaí an Chomharthóra Lontaofa. I measc na n-acmhainní atá aici, tá: an sásra tuairiscithe agus an bunachar sonraí HO:PE, arna fhorbairt ag World Jewish Congress agus arna mhaoiniú ag an gCoimisiún Eorpach, a úsáidfear le haghaidh tuairisciú pobail.

Léirigh an t-larratasóir go bhfuil leibhéil an tsoláthair foirne agus na modhanna tuairiscithe laistigh den fhoireann oiriúnach chun fógraí a chur isteach. Measann an Coimisiún, bunaithe ar an bhfianaise a tugadh, go bhfuil dóthain saineolais agus acmhainní ag JRCI chun tabhairt faoi ghníomhaíochtaí an Chomharthóra Lontaofa ar bhealach éifeachtúil agus ábalta.

Neamhspleáchas

Leis an gcoinníoll seo, ceanglaítear go bhfuil an t-larratasóir neamhspleách ina chinnteoireacht, lena n-áirítear ó thaobh airgeadais de, ar sholáthraithe ardán ar líne.

Díríodh sa mheasúnú ar na gnéithe a leanas:

- cibé an bhfuil aon leasanna nó rannpháirtíocht le hardáin ar líne i ndáil le gach ball foirne atá páirteach i ghníomhaíochtaí an Chomharthóra Lontaofa, poist stiúrthóireachta, bearta i bhfeidhm chun neamhspleáchas ar ardáin ar líne a chinntiú (**Neamhspleáchas Eagraíochtúil**)
- socrúithe maoinithe atá i bhfeidhm agus cibé an bhfuil siad sin neamhspleách ar ardáin ar líne (**Neamhspleáchas Airgeadais**).

Neamhspleáchas Eagraíochtúil:

Léirigh an t-larratasóir go bhfuil dóthain cosaintí aige chun neamhspleáchas eagraíochtúil a chinntiú, bunaithe ar an iarratas agus ar an eolas breise a tugadh. Tá Beartas láidir Coinbhleachta Leasa agus tiomantas na bhfostaithe mar bhonn taca faoi sin, lena ndearbhaítear go n-oibreoidh feidhm an Chomharthóra Lontaofa s'aige gan tionchar míchuí ó thríú páirtithe, lena n-áirítear ardáin ar líne.

Measann an Coimisiún go mbeidh gach cinneadh a bhaineann le gníomhaíochtaí an Chomharthóra Lontaofa faoi stiúir na foirne tiomnaithe, a oibreoidh go neamhspleách ón mBord Stiúrthóirí agus ó na hinstitiúidí comhpháirtíochta agus gan teagmháil leis na hardáin ar líne le linn na tréimhse bronnta.



Coimisiún
na Meán

Nóta Eolais maidir leis an gcinneadh stádas mar Chomharthóir Lontaofa a bhronnadh ar Chomhairle Ionadaíoch na nGiúdach in Éirinn de bhun Airteagal 22 den Ghníomh um Sheirbhísí Digiteacha

Neamhspleáchas Airgeadais:

Léirigh an tIarratasóir freisin go bhfuil neamhspleáchas airgeadais aige mar eagraíocht neamhbhrabúis. Tá samhail maoinithe thrédhearcach agus tiomantas soiléir don chuntasacht mar bhonn faoi sin. Chun tacú leis sin, chuir an tIarratasóir a Thuarascáil Bhliantúil agus Cuntais Airgeadais isteach, agus chuir sé eolas mionsonraithe ar fáil i dtaca lena chuid foinsí maoinithe, lena cuimsíodh maoiniú ó Chiste na hÉireann in aghaidh an Chiníochais agus é de chuspóir sonracha an fheidhm Chomharthóra lontaofa s'aige a shuí.

Díograiseach, Cruinn, Neamhchlaonta

Is é a cheanglaítear sa choinníoll seo go dtugann an tIarratasóir faoina ghníomhaíochtaí tuairiscithe go díograiseach, go cruinn agus go neamhchlaonta.

Díríodh sa mheasúnú ar mhodheolaíochtaí, acmhainní agus teicneolaíochtaí a thacaíonn le gníomhaíochtaí an Chomharthóra lontaofa a dhéanamh. Meastar go bhfuil modheolaíocht láidir ag an tIarratasóir i dtaca leis an ábhar frith-Sheimíteach a bhrath, a shainaithint agus a dhearbhu, bunaithe ar an eolas a tugadh.

Léiríonn nósanna imeachta JRCI díograis agus cruinneas trí úsáid a bhaint as sásra tuairiscithe agus bunachar sonraí seanbhunaithe chun gearáin ón bpobal a fháil ar dtús. Is trí athbhreithniú daonna faoi threoir creataí dlíthiúla is infheidhme a dhéanfar dearbhú ar ábhar frith-Sheimíteach maíte agus cinntí i dtaca le tuairiscí Chomharthóra lontaofa a dhéanamh, ar mhaithe le cruinneas a chinntiú. Tugtar tuilleadh tacaíochta don phróiseas le beartais dhea-shainithe maidir le ceartuithe agus gearáin, agus iad leagtha amach go soiléir ag an tIarratasóir. Déanfar tuairiscí a chuirtear isteach tríd an uirlis tuairiscithe a mheasúnú agus a phróiseáil i gcomhréir le critéir chuspóra agus beidh gníomhartha faoi stiúir na bprótacal inmheánach réamhshainithe, chun an chothroime agus an neamhchlaontacht a chinntiú i rith ghníomhaíochtaí an Chomharthóra lontaofa.

Measann an Coimisiún gur leor na bearta a chuir an tIarratasóir i bhfeidhm chun próiseas díograiseach cruinn neamhchlaonta a chinntiú le maoirseacht agus cuntasacht chuí.



**Coimisiún
na Meán**

Nóta Eolais maidir leis an gcinneadh stádas mar Chomharthóir lontaofa a bhronnadh ar Chomhairle Ionadaíoch na nGiúdach in Éirinn de bhun Airteagal 22 den Ghníomh um Sheirbhísí Digiteacha